

Europark Alava enpresa bisitatu zuen Buesa diputatu nagusiak

LUIS KARLOS GARCIA / GASTEIZ

Kotxeak bilduz eta aurre-emate nahiz garraio lanetan Espainiako iparraldeko banatzaileentzat lan egingo duen Europark Alava SA enpresa bisitatu zuten atzo Araian Fernando Buesa diputatu nagusiak eta Juan Pastor Ekonomia diputatuak. Pasaiako portuan zegoena ordezkatzan du zerbitzu honek eta Madrid eta Lisboan dituenekin batera arituko da. Herri arabarrean 90.000 metro karratutako eremua edukiko du.

Lau mila ibilgailu inguru dira egun Europark-ean biltzen direnak eta lehenengo urterako aurrikusitako fakturazioa 300 milioi pezetatiko da (15 milioi libera). Aurreneko epe honek 38 lanpostu finko sortu ditu, eta prebisio baikorrak direla medio, baliatze epe laburrean eremuko % 50a haundiagotzea. Gainera, Diputazioak atal berezia eraikiko du enpresa honek zein beste zenbaitek trenbideetatik ibilgailuak hartu ahal izateko.

Bestalde, Araia inguruko bisitaldia aprobetxatuz, izotz-produktuak egiten dituen Miko enpresan ere izan zen Buesa. Enpresa honek 21.332 milioi litro ekoiztu zituen ihaz, zatirik gehiena estatu espainolaren kontsumorako izanez. Ia lauhun lanpostu ditu.

EAEn langabeziak gora egin zuen abendutik urtarrilera

3.300 lagun gehiago geratu ziren lanik gabe epe horretan

Euskal Autonomi Elkarteko langabetu kopuruak gora egin zuen iazko abendutik aurtengo urtarrilera: 1990eko abenduan baino 3.300 pertsona gehiago zeuden lanik gabe urtarrilean. Horen ondorioz, EAEn 153.000 pertsona zuden langabezian urtarrilean, jendetza aktiboaren % 16,8a hain zuzen.

DONOSTIA

Euskal Estatistika Erakundeak emandako datuen arabera, landun jendetza kopuruak ere gora egin zuen aurtengo lehendabiziko hilabetearen 5.900 pertsonatan. Beraz, jendetza aktiboaren kopuru orokorra (landunak gehi langabeak) 910.000ekoa da, populazioaren % 52,7a.

Aurtengo urtarrileko jendetza aktiboaren kopurua 1990ko urtarrilekoarekin konparatuz gero, 33.000 pertsona gehiago direla ikus dezakegu. Horietatik, 32.000 landun jendea da eta 800 langabezira joan ziren. Hortaz, langabezi tasa % 0,6a jeitsi

Langabeziaren bilakaera 1990ko urtarriletik 1991ko urtarrilera

	1990ko urtarrila	%	1991ko urtarrila	%
16 urtetik gorakoak	1.689.300	100,0	1.727.000	100,0
Langabezia/Langabezia tasa	152.200	17,4	153.000	16,8
Araba	15.700	13,5	17.400	14,9
Bizkaia	91.200	19,3	98.800	19,8
Gipuzkoa	45.200	15,6	36.900	12,5
Gizonezkoa	62.900	11,3	60.900	10,6
Emakumezkoa	89.300	28,0	92.200	27,3
16-24 urte bitartekoak	64.200	42,3	63.700	41,7
25-44 urte bitartekoak	76.500	15,5	77.300	15,1
45 urtetik gorakoak	11.500	5,0	12.000	4,9

zen iaztik aurtengo urtarrilera. EAEko hiru herrialdeak banan banan hartuta, aipagarria da Bizkaian eta Gipuzkoan izandako landun pertsonen gehikuntza: lehenengoan 19.300 eta bigarrenen 13.700 pertsona gehiago zeuden lanean iazko urtarrilean baino. Sektore desberdinetan, aipatzekoak dira zerbitzu sektoreak gehitu zuen lanpostu kopurua (28.000), jendetza aktibo osoaren % 55,7a, eta baita industri sektoreak galdutako 11.300 lanpostuak ere.

Sexoari dagokionez, gizonezko zein emakumezkoetan landun jendearen kopurua handitu egin zen,

Jendearen adina kontutan hartuz ere adin talde guztiek gehitu zuten jende okupatuaren kopurua.

Langabetu kopurua Gipuzkoan bakarrik jeitsi zen iazko urtarriletik aurtengora (8.300 langabetu gutxiago). Bizkaian 7.600 pertsonatan gehitu zen eta Araban 1.700tan. Sexuari dagokionez, emakumezko langabetuen kopurua 2.900tan gehitu zen eta gizonezkoena 2.000tan gutxitu, baina portzentaiaetan biak jeitsi ziren % 0,7a iazko urtarrila erreferentzia hartuta (iazko abendutik, esan dugun bezala, langabezi tasa handitu egin bait zen).

Hendaiak bere burua prestatzen du 1993ko urtarrilaren lehenerako

XAN GOENAGA / BAIONA

Baionako Industri eta Merkataritza Ganbarak, ale berezi bat osatu du Hendai hiriaz, Activites en Pays Basque hamabostkariaren azken zenbakian. Hogeitazortzi orrialdeetan, gai monografikoak erakustera ematen du zertan den Hendai 1993an Europako Estatuen arteko mugen kentzeari begira, hein handi batean mugaz bizi izan den hiri hori nola hornitua den nahitaez ezagutuko duen bilakaerako, zertan dituen ahuleziak. Galderak pausatzea, kezak agertzea baina batez ere xedeak eta aterabideak bilatzea da liburutto honen funtsezko helburua, editorialean, Francois Jacque, IMGren lehendakariak azaltzen duenez.

Lehen kapituluaren zenbakietan emana da Hendai. 11578 biztanle dauka Hendaiak, baina oporraldietan anitz jende gehiago du, hiriko 7349 etxebizitzetatik 2585 udatarrentzako bait dira. Jendeen joan-etorriak udan ez ezik, lanekoak ere ezagutzen dira, hala nola, Hendaiako langileak 3709 bait dira, hiritik kanpokoak 1522 eta horietatik erdia baino gehiago mugaz bestaldekoa, egun guztira lanera joaten dena.

Bere kokapen geografikoaz baliaturik, garraio eta inportazio-exportazio lanetan oinarritu zuen bere garapen ekonomikoa Hendaiak, zuzenki mugari loturikako enpleguak 1600 dira; horietatik ia gehienak desagertuko ote diren ala birmoldatu ahalko diren, hortan da kezka ezen,

1993tik aurrera oraingo trafikaren % 5ak bakarrik izango du egungo muga kontrola.

Arazoei aurre egiteko ahalak ez ditu eskasak Hendaiak eta epe laburrera kezkarri diruditen puntuek gerora puntu baikorrak bilaka daitezke. Hala nola, geltokiaren desgertzeak orain arte Hendaiak eskas izan duen hiri erdia eraikitzeke ahalak emanen lizkioke, Komertzioak aberats daitezke bestaldetik joaten diren bezeroekin.

«Mugarik gabeko Europan, bihar, Irun, Hondarribia eta Behobiarekin batera, Hendaiak bere tokia har lezake Baionatik Donostiara hirigune erdi erdian» dio Francois Jacque-k, hortarako Hendaiak ez du 1993ko urtea itxaron behar, gaurdanik bere burua prestatu baizik.

LABURREAN

G.A.C.k

ordainketak
eten ditu

Bizikleta eta motorrak egiten dituen 'Garate, Anitua y Cia' (GAC) enpresak ordainketa etendura eskatu du Durangoko auzitegian. Abadinoko enpresa honek daraman gainbeherako prozesuak langileen enplegu erregulazioa ekarri zuen azken asteotan. CCOO, ELA, LAB eta UGT enpresako sindikatuek soldatarik ez kobratzea salatu dute eta krisi egoeraren errua akziodunei egotzi diete, finantziarioa blokeatu dutelakoan.

TRANSPAPEL enpresak faktoria berria ipiniko du Tuteran

Transpapel enpresak Tuteran ipiniko duen faktoria 400 pertsonarentzako lanpostuak sortuko ditu eta urteko 250 tona prentsa paper ekoiztuko ditu. Lantegi berri honetarako inbertsioak 50.000 milioi pezetakoak (18.000 milioi libera) izango dira eta kapital sozialak 8.000 milioi pezetakoa (450 milioi libera). Enpresak produzitzen duenaren % 40 europar merkatuan saltzea espero du eta gainontzeko % 60 Estatu espainiarrean.

AMERIKARREK Euska Herriarekiko harremanak handitu nahi

Ipar Amerikako itsas erakunde handietako ordezkariak euskal enpresarekin bildu ziren atzo Bilbon, Laku Handietako ibilbidean zehar Ipar Amerika eta Estatu espainiarren artean egiten diren merkatal harremanak gehitu nahian. 1989. urtean, ibilbide hura erabiliz 741.000 tona zama baino gehiago inportatu eta esportatu zuen Estatu espainiarrak. Merkatarik amewrikarrek esan zuten, «geure hemengo lana tona hauek gehitzea da».



Langileek apirilaren geldine gehiago egitea erabaki zuten.

JOXAN

Potasas de Subizako langileek geldiunea egin zuten atzo

X.Z. / IRUÑA

Potasas de Subizako bostehun eta berrogeitamar langilek geldine egin zuten atzo beren eskabideen alde. Enpresako atal guztietako langileek oro, koadro ertainek ezik, hartu zuten parte lanuztean. % 13ko alokairu igotza, behin behineko langileen iraunkortasuna eta lanaldien murrizaldia dira aipatu eskabideak, iturri sindikalen arabera.

Enpresak uko egiten dio eskabide hauek onartzeari. CCOO, UGT, ESK eta USO-LSB sindikatuek salatu dutenez, oraindik ez dute enpresarekin biltzerik izan komenioa negoziatzeko. Greba Batzordeak ez bestek ihardun du enpresarekiko bileretan gutxie-

nezko zerbitzuak ezartzeko. Asanblada egin zuten atzo langileek. Aurtengo urtarriletik egin mobilizazioei eutsiz, apirilaren 4ean, 11an eta 18an beste geldine bana egitea erabaki zen bertan. Sindikatuen arabera, data horiek egokiak dira mobilizazioetarako, salmenerako tenore nagusia bait da. Apirila, langileen arabera, funtsezkoa da komenio guztien garapenerako. Nolanahi ere, beste komunitate autonomoetan ere mobilizaziorik sor baledi, Potasas-ek bat egin lezake hauekin.

Urtarriletik, sindikatuek azaldu zuten, astero lanaldien baliokidea galdu du enpresak, haien 'ez lankidetzaz'. Horrez gain bi greba egun antolatu dituzte orduz geroztik sindikatuek.

BILBOKO

UDALA

ASTEBURUKO IHARDUERAK

Martxoak 22, ostirala
ABESBATZAK OSTIRALERO
INMAKULADAKO ABESLARIAK
Bilbao
ABESLARI TXIKIAK
Astrabudua - Erandio
TXALAPARTA ABESBATZA
Sopela
Bidebarrietako liburutegian
Arratsaldeko 20:00etan

Martxoak 24, igandea
Goizez TXISTULARIEN
UDAL BANDA
Kalejira Uri Zaharrean
eta Kontzertua San Antongo
Elizpean.
12:30etan MUSIKA UDAL BANDA
Kontzertua Areatzako Kioskoan

SAILEKO ORDEZKARIA

KULTURA ETA TURISMO SAILA